



Na osnovu člana 9. Zakona o kantonalnim ministarstvima i drugim tijelima kantonalne uprave (Službene novine Srednjobosanskog kantona, broj: 8/03 i 14/03) te na osnovu Odluke Vlade Srednjobosanskog kantona o usvajanju Programa poticaja vodoprivredi sa kriterijima utroška budžetskih sredstava, broj 01-11.7-2737/2025 od 06.03.2025. godine iz nadležnosti Ministarstva poljoprivrede, vodoprivrede i šumarstva u 2025. godini, objavljuje:

JAVNI POZIV
za odabir korisnika budžetskih sredstava-poticaj vodoprivredi,
iz nadležnosti Ministarstva poljoprivrede, vodoprivrede i šumarstva
Srednjobosanskog kantona za 2025. godinu-utrošak preostalih sredstava

I. PREDMET POZIVA

Objavljuje se javni poziv za dodjelu sredstava za finansiranje i sufinansiranje projekata u oblasti vodoprivrede i to:

- Kapitalni transferi javnim preduzećima – poticaji vodoprivredi ekonomski kod **6154** subanalitički kod **JAU 007** u iznosu od **241.300,00 KM**

Sredstva za ove namjene su predviđena budžetom Srednjobosanskog kantona za 2025. godinu u Ministarstvu poljoprivrede, vodoprivrede i šumarstva i u skladu sa Odlukom o usvajanju programa broj 01-11.7-2737/2025 korištenja budžetskih sredstava, s kriterijima raspodjele iz nadležnosti Ministarstva poljoprivrede, vodoprivrede i šumarstva u 2025. godinu.

II. NAMJENA

Predviđena sredstva koristiti će se za:

A. FINANSIRANJE

1. Finansiranje izrade projektne dokumentacije za vodne objekte, odnosno za projekte od značaja za jedinice lokalne samouprave (JLS) (zaštitni vodni objekti, vodni objekti za korištenje voda, vodni objekti za zaštitu voda) na području općina Kantona,
2. Finansiranje izgradnje vodnih objekata, odnosno za projekte od značaja za jedinice lokalne samouprave (JLS) (zaštitni vodni objekti, vodni objekti za korištenje voda, vodni objekti za zaštitu voda) na području općina Kantona,
3. Finansiranje održavanja vodnih objekata, odnosno za projekte od značaja za jedinice lokalne samouprave (JLS) (zaštitni vodni objekti, vodni objekti za korištenje voda, vodni objekti za zaštitu voda) na području općina Kantona,

4. Finansiranje projektovanja, izgradnje ili održavanja objekata na javnom vodnom dobru ili vodnom dobru u cilju prevencije ili saniranja posljedica štetnog uticaja voda,
5. Finansiranje svih investicijskih poslova i nadzora nad izgradnjom vodnih objekata iz programa razvoja vodoprivrede Kantona.

B. SUFINANSIRANJE

1. Sufinansiranje izrade projektne dokumentacija za vodne objekte, odnosno za projekte od značaja za jedinice lokalne samouprave (JLS) (zaštitni vodni objekti, vodni objekti za korištenje voda, vodni objekti za zaštitu voda) na području općina Kantona,
2. Sufinansiranje izgradnje vodnih objekata, odnosno za projekte od značaja za jedinice lokalne samouprave (JLS) (zaštitni vodni objekti, vodni objekti za korištenje voda, vodni objekti za zaštitu voda) na području općina Kantona,
3. Sufinansiranje održavanja vodnih objekata, odnosno za projekte od značaja za jedinice lokalne samouprave (JLS) (zaštitni vodni objekti, vodni objekti za korištenje voda, vodni objekti za zaštitu voda) na području općina Kantona,
4. Sufinansiranje projektovanja, izgradnje ili održavanja objekata na javnom vodnom dobru ili vodnom dobru u cilju prevencije ili saniranja posljedica štetnog uticaja voda,
5. Sufinansiranje svih investicijskih poslova i nadzora nad izgradnjom vodnih objekata iz programa razvoja vodoprivrede Kantona.
6. Sufinansiranje nabavke opreme za:
 - a) korištenje vode i to zahvatanje, crpljenje i upotrebu površinskih i podzemnih voda za različite namjene (snabdijevanje stanovništva vodom za piće, sanitarne i tehnološke potrebe, navodnjavanje i snabdijevanje stoke vodom za piće i sl), odnosno za osiguranje potrebnih količina vode odgovarajućeg kvaliteta za razne namjene;
 - b) smanjenje štetnih uticaja prouzrokovanih poplavama, sušama, erozijom i otklanjanje posljedica uzrokovanih vanrednim zagađenjima vode.
7. Sufinansiranje projekata upravljanja vodama radi:
 - a) smanjenje onečišćenja voda, postizanja dobrog statusa voda i sprječavanja degradacije voda;
 - b) postizanja održivog korištenja voda;
 - c) osiguranje pravičnog pristupa vodama;
 - d) poticanje društvenog i privrednog razvoja;
 - e) zaštita ekosistema;
 - f) smanjenje rizika od poplava i drugih negativnih uticaja voda;
 - g) osiguranje udjela javnosti u donošenju odluka koje se odnose na vode;
 - h) sprječavanje i rješavanje sukoba u pogledu zaštite i korištenja voda;

III. PRAVO UČEŠĆA

Pravo na podnošenje projekata na osnovu objavljenog javnog konkursa iz oblasti vodoprivrede, te ostalih poslova i zadataka, imaju subjekti sa područja SBK i to:

- Javna preduzeća koji će projekat realizovati na području Kantona;

IV. SADRŽAJ ZAHTJEVA ZA UČESTVOVANJE NA JAVNOM POZIVU

Zahtjev mora biti urađen sadržajno po traženim elementima i potrebnoj dokumentaciji ovisno o pojedinom projektu i to: **0.** Naziv projekta, **1.** Osnovni podaci podnositelja zahtjeva, **2.** Područje provedbe projekta, **3.** Projekat finansiranja, **4.** Ekološki aspekti investicije, **5.** Ostale aktivnosti.

Uz ovaj zahtjev potrebno je dostaviti i obavezne priloge koji su navedeni u **opštim uslovima/eliminatornim uslovima kriterija za ocjenu prijave.**

1. Zahtjev za uključivanje u projekt

Pod pojmom Zahtjev za uključivanje u program podrazumijeva se uredno popunjen Obrazac „Zahtjev za uključivanje u program“.

Ukoliko Zahtjev za uključivanje u program nije ovjeren i potpisan od odgovorne osobe, odbiti će se i neće biti predmet daljeg razmatranja Komisije.

2. Obavezni prilozi

Pod ostalim prilozima podrazumijevaju se oni prilozi koji se traže od podnosioca prijave, kojima podnositelj prijave dokazuje da li je kompetentan, pouzdan i da li redovno ispunjava svoje zakonske obaveze.

Prijave koje ne sadrže zahtijevanu dokumentaciju, bit će odbijene i neće biti predmet daljeg razmatranja Komisije.

Sva priložena dokumenta moraju biti izdana od strane nadležnih sudskih ili upravnih organa. Priložena dokumenta ne smiju biti stariji od 6 (šest) mjeseci od dana objavljivanja ovog poziva, izuzev rješenja o registraciji pravnog subjekta, uvjerenja o poreznoj registraciji i uvjerenja o registraciji PDV-a.

V. KRITERIJI ZA OCJENU PRIJAVE I IZBOR KORISNIKA

Komisija/nadležna služba za razmatranje primljenih projekata na osnovu javnog poziva, vrednovanje primljenih projekata i sačinjavanje prijedloga odluke o dodjeli sredstava izvršiti će ocjenu prijave i vrednovanje projekata na osnovu slijedećih kriterija:

OPŠTI USLOVI- eliminatorni uslovi

-eliminatorni uslovi-javna preduzeća

- Upis u odgovarajući registar i/ili osnivačkim aktom područje djelovanja koje je u skladu sa prioritetima za koje se dodjeljuju budžetska sredstva;
- Uredno ispunjavanje obaveza iz svih prethodno sklopljenih ugovora o finansiranju iz budžetskih sredstava(izjava);
- Uredno ispunjavanje obaveze plaćanja poreza i doprinosa (direktni i indirektni porezi - Potvrda nadležne porezne ispostave za porez i doprinose ili sporazum, Potvrda nadležnog računskog centra Uprave za indirektno oporezivanje ili sporazum);
- Uredno izmirenje obaveza po osnovi neporeznih prihoda(koncesionih naknada i sl.), (potvrda o izmirenim neporeznim prihodima-koncesionim naknadama);
- Kopija aktivnog bankovnog računa(potvrda iz banke).

Nepotpuna dokumentacija se neće uzimati u obzir i dalju obradu.

POSEBNI USLOVI-kriteriji za vrednovanje projekata sa bodovanjem

- Usklađenost ciljeva programa ili projekata sa ciljevima i prioritetima iz strateških dokumenata iz kojih su izvedeno prioriteta za dodjelu sredstava koji definišu program ruralnog razvoja; (30b)
- Postotak vlastitog udjela u financiranju projekta; (20b)
- Uticaj projekta na zaštitu voda; (20b)
- Uticaj projekta na pravičan pristup vodama; (10b)
- Uticaj projekta na umanjeње negativnih posljedica voda; (10b)
- Uticaj projekta na klimatske promjene; (10b)

Za posebne uslove je potrebno dostaviti **izjavu/projekat** od strane javnog preduzeća koje se prijavljuje.

Na bazi navedenih kriterija izvršiti će se bodovanje u skladu sa prezentiranim.

VI. POSTUPAK

Ministarstvo je dužno raspisati Javni poziv za dodjelu sredstava javnim preduzećima, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 37/24. Javni poziv će, u skladu sa tačkom 23. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine FBiH“, broj: 37/24), sadržavati pisane kriterije na osnovu kojih će se izvršiti odabir kandidovanih projekata, sve u cilju efikasne, ekonomične i efektivne upotrebe namjenskih sredstava.

Obrazac za prijavu programa ili projekata biće sastavni dio Javnog poziva i isti će obavezno sadržavati procjenu efekata učinka koji se postižu realizacijom istih. Javna preduzeća, kao korisnici sredstava biće u obavezi da po realizaciji odobrenog projekta utvrde procjenu efekata koji su postignuti utrošenim sredstvima transfera, a od kojih će zavisi visina i namjena sredstava koja se planira za narednu godinu te ujedno sačinie i izvještaj o namjenskom utrošku sredstava a shodno prezentiranom projektu.

Javnim pozivom unaprijed se utvrđuju postupci za sprječavanje sukoba interesa osoba uključenih u postupak dodjele finansijskih sredstava. U pozivu je potrebno naznačiti da će svaki član komisije biti isključen iz postupka dodjele ukoliko se utvrdi da je u sukobu interesa u odnosu na podnositelje prijave, a podnositelji prijave imaju mogućnost prijaviti sumnju na postojanje sukoba interesa, o kojima će davatelj proračunskih sredstava odlučivati pojedinačno po svakoj prijavi.

VII. PREUZIMANJE POTREBNE DOKUMENTACIJE

Potrebnu dokumentaciju za učešće na Javnom pozivu, pripremilo je Ministarstvo poljoprivrede, vodoprivrede i šumarstva, ista se može preuzeti elektronskim putem na web stranici Vlade SBK www.sbk-ksb.gov.ba ili u prostorijama Ministarstva poljoprivrede, vodoprivrede i šumarstva u Travniku, ulica Prnjavor 16A svakim radnim danom u vremenu od 08-11 sati.

VIII. PODNOŠENJE PRIJAVE

Prijave sa odgovarajućom dokumentacijom, šalju se lično ili preporučeno poštom u zapečaćenim kovertama na adresu:

Ministarstvo poljoprivrede, vodoprivrede i šumarstva
Stanična 43
72270 Travnik

sa naznakom: „**NE OTVARATI – Zahtjev po javnom pozivu za odabir korisnika budžetskih sredstava iz nadležnosti Ministarstva poljoprivrede, vodoprivrede i šumarstva Srednjobosanskog kantona u 2025. godini-utrošak preostalih sredstava**“, **sa pozivom na broj: 06-21-10142/25**

Rok za dostavu programa – projekata je 15 (petnaest dana) od dana objave javnog poziva.

Prijave primljene nakon isteka roka neće biti razmatrane.

IX. TROŠKOVI PROJEKTA – PROGRAMA

U postupku javnog konkursa Ministarstvo poljoprivrede, vodoprivrede i šumarstva ne snosi nikakve troškove učesnicima poziva, te zadržava pravo da prijavu prihvati u cijelosti, djelomično ili je u potpunosti odbije, poništi javni poziv ili odbaci sve prijave u bilo koje vrijeme prije sklapanja ugovora.

Ministarstvo poljoprivrede, vodoprivrede i šumarstva neće snositi nikakvu odgovornost prema učesnicima poziva, niti je obavezno objasniti razloge takve odluke. Prispjela dokumentacija neće se vraćati.

X. REKAPITULACIJA

Ministarstvo može vršiti preraspodjelu planiranih sredstava između pojedinih stavki programa u okviru ukupno planiranih sredstava iz ovog programa, ukoliko se za to ukaže opravdana potreba i to; nedovoljan broj kvalitetnih projekata određene grupe transfera a druge je bilo više i sl.

XI. OSTALE ODREDBE

Sa kandidatima čije se prijave prihvate, Ministarstvo poljoprivrede, vodoprivrede i šumarstva će potpisati Ugovor o implementaciji dodijeljenih sredstava, kojim će biti preciziran način i dinamika korištenja odobrenih sredstava, te nadzor nad trošenjem istih u namijenjene svrhe.

Sve dopunske informacije vezane za poziv mogu se dobiti svakim radnim danom putem telefona broj 030/ 511 – 218 od 08,00 do 11,00 sati ili e-mail: mpvs@sbk-ksb.gov.ba.

Sve procedure imenovanja i nadzora definisani su u Programu utroška budžetskih sredstava za 2025. godinu.

Javni poziv je dio Programa poticaja vodoprivredi sa kriterijima utroška budžetskih sredstava za 2025. godinu.

Broj: 06-21-10142/25

Travnik, 19.11.2025. godine



MINISTAR
Advan Akeljić, dipl.iur.